



МОНГОЛ УЛСЫН ЗАСГИЙН ГАЗРЫН ТОГТООЛ

2022 оны 12 дугаар
сарын 12-ны өдөр

Дугаар 459

Улаанбаатар
хот

“Тавантолгой төмөр зам” ХХК-ийн талаар
авах зарим арга хэмжээний тухай

Монгол Улсын Засгийн газрын тухай хуулийн 8 дугаар зүйлийн 5 дахь хэсэг, Монгол Улсын Засгийн газарт эрх олгох тухай 1991 оны 1 дүгээр сарын 4-ний өдрийн хуулийн 1, 2 дугаар зүйлд заасныг тус тус үндэслэн Монгол Улсын Засгийн газраас ТОГТООХ нь:

1. Стратегийн ач холбогдол бүхий Тавантолгой-Гашуунсухайт чиглэлийн төмөр замын тээврийн үйл ажиллагаа, галт тэрэгний хөдөлгөөн зохион байгуулалт, хөдөлгөөний аюулгүй байдлыг мэргэжлийн удирдлагаар хангах, “Тавантолгой төмөр зам” ХХК-ийн үйл ажиллагааг хэвийн горимд шилжүүлэх зайлшгүй шаардлагыг харгалзан “Тавантолгой төмөр зам” ХХК-ийн үйл ажиллагааг Засгийн газрын шууд хяналтад авч, 6 сарын хугацаагаар онцгой дэглэм тогтоосугай.

2. “Тавантолгой төмөр зам” ХХК-д тогтоосон онцгой дэглэмийн хугацаанд Монгол Улсын Засгийн газарт эрх олгох тухай хууль, энэ тогтоолд заасан арга хэмжээг хэрэгжүүлж, компанийн үндсэн үйл ажиллагааг удирдлага, зохион байгуулалтаар хангах, компанийг бүрэн төлөөлөх эрх бүхий Засгийн газрын онцгой бүрэн эрхт төлөөлөгчөөр Засгийн газрын Хэрэг эрхлэх газрын Хууль, эрх зүйн газрын дарга Н.Мягмарыг томилон ажиллуулсугай.

3. “Тавантолгой төмөр зам” ХХК-д онцгой дэглэм тогтоосон хугацаанд дор дурдсан арга хэмжээг авч хэрэгжүүлэхийг дараахь албан тушаалтанд даалгасугай:

3.1. компанийн бүтэц, зохион байгуулалтыг оновчтой тогтоож шинэчлэх, шаардлагатай бол бүтцийн нэгжийн удирдлага, холбогдох албан тушаалтныг томилж, чөлөөлөхийг Засгийн газрын онцгой бүрэн эрхт төлөөлөгч Н.Мягмарт;

3.2. компанийн хөдөлмөрийн дотоод журам болон үйлдвэрлэл, тээвэр, технологийн тухайлсан дүрэм, үйлдвэрлэлийн осол, аюулгүй ажиллагааны тусгай журам тогтоож, тэдгээрийг зөрчигчдөд зохих хариуцлага хүлээлгэж ажиллахыг Засгийн газрын онцгой бүрэн эрхт төлөөлөгч Н.Мягмарт;

3.3. Тавантолгой-Гашуунсухайт чиглэлийн төмөр замын бүтээн байгуулалтын төсөлд зарцуулсан хөрөнгөд хөндлөнгийн аудит хийлгэж, дүгнэлт гаргуулах, хууль зөрчсөн, ашиг сонирхлын зөрчилтэй, компанийн эрх ашигт нийцээгүй гэрээ хэлцэл, үйл ажиллагааг хуулийн байгууллагад шилжүүлэн шалгуулах арга хэмжээ авахыг Засгийн газрын онцгой бүрэн эрхт төлөөлөгч Н.Мягмар, Хууль зүй, дотоод хэргийн сайд Х.Нямбаатар, Зам, тээврийн хөгжлийн сайд С.Бямбацогт нарт;

3.4. “Богдхан” төмөр зам төсөл болон “Тавантолгой төмөр зам” ХХК-ийн хөрөнгө оруулалт, бизнес төлөвлөгөөнд заасан зорилт, арга хэмжээний хэрэгжилт,

худалдан авах ажиллагаанд санхүүгийн иж бүрэн хамтарсан хяналт шалгалт хийж, дүнг Засгийн газрын хуралдаанд танилцуулахыг Зам, тээврийн хөгжлийн сайд С.Бямбацогт, Сангийн сайд Б.Жавхлан, Төрийн өмчийн бодлого, зохицуулалтын газар (Б.Цэнгэл), Төрийн худалдах авах ажиллагааны газар (Ц.Батзул) нарт;

3.5. Тавантолгой-Гашуунсухайт чиглэлийн төмөр замын тээврийн үйл ажиллагаа болон галт тэрэгний хөдөлгөөн зохион байгуулалт, хөдөлгөөний аюулгүй байдлыг хангах бүхий л үе шатанд хяналтыг сайжруулах, шаардлагатай бусад арга хэмжээг тухай бүр авч хэрэгжүүлэхийг Засгийн газрын онцгой бүрэн эрхт төлөөлөгч Н.Мягмарт, энэ чиглэлээр бүх талын дэмжлэг, туслалцаа үзүүлж ажиллахыг Зам, тээврийн хөгжлийн сайд С.Бямбацогтод;

3.6. Засгийн газраас тогтоосон онцгой дэглэмийг хэрэгжүүлэхэд саад учруулсан улс төр, иргэд, олон нийтийн үйл ажиллагаанд хэв журмыг сахиулах арга хэмжээ авч ажиллахыг Цагдаагийн ерөнхий газар (Ж.Болд)-т.

4. Энэ тогтоолын хэрэгжилт, “Тавантолгой төмөр зам” ХХК-д тогтоосон онцгой дэглэмийн үр дүн, явц байдлыг сар бүр Засгийн газрын хуралдаанд танилцуулж, тодорхой чиглэл авч ажиллахыг Зам, тээврийн хөгжлийн сайд С.Бямбацогтод, онцгой дэглэмийн хугацаанд авч хэрэгжүүлж байгаа арга хэмжээ, хяналт шалгалт тэдгээрийн үр дүнгийн талаар олон нийтэд мэдээлж байхыг Засгийн газрын онцгой бүрэн эрхт төлөөлөгч Н.Мягмарт тус тус даалгасугай.

5. Энэ тогтоолыг 2022 оны 12 дугаар сарын 12-ны өдрөөс эхлэн дагаж мөрдсүгэй.



Монгол Улсын Ерөнхий сайд

Зам, тээврийн хөгжлийн сайд

Л.ОЮУН-ЭРДЭНЭ

С.БЯМБАЦОГТ

ТАВАНТОЛГОЙ ТӨМӨР ЗАМ ХХК 6375405 ᠮᠤ СБА3433	
Бүртгэсэн № 745	Карт №
Огноо 2022.12.19	
17	цаг 00 минутанд
-----д	
Бичгжүүлэв.	